

ЭНГСИЭЛИ

• Намулууһун хаһыата • 1935 сыл алтынны 5 күнүгэр төрүттэммитэ •

1999 с.
Балаһан ыйын
2
күнэ
чэппиэр
№ 108 (8637)

“Тыл - омул баар-суох сыаннаһа уонна быстыспат бэлиэтэ. Хас биридди норуот бэйэтин ураты майгынаах культуратын, үгэстэрин, тылын харыстыр сувереннай бырааптаах.”
Саха Республикатын Тыл туһунан Сокуонунттан



Балаһан ыйын 1 күнүгэр 1 сүһүөк оскуола спортивнай саалатыгар саҥа үөрэх дьылыгар аналлаах быраһынньык ыытылынна. Сааланы эргиччи мустубут оскуола үөрэнээччилэрин, үлэһиттэрин, төрөппүттэри быраһынньыгы салайааччылар Ядреева З.А., Зырянова А.П. эбэрдэлээтилэр. Оскуола аанын бастаан аспыт үөрэнээччилэри үһүс кылаас

оҕолоро уруйдаатылар. Иккис кылаас үөрэнээччилэрэ оскуола учууталларыгар тыннаах сибэки дьөрбөлөрүн туттардылар. Маршынан доҕуһоллатан саалаҥа быйыл маңнайгы кылааска үөрэнэхтээх оҕолор киирэллэр. Аан бастаан оскуолаҥа киирбит оҕолорго төрдүс кылаастар үөрэнээччилэр буолбуттарынан туһулуур эмблемэлэри туттараллар.



ЧУОРААН ЧУДААРДА

Быраһынньык оскуола гимнин саҕаланар. 1 кылаас үөрэнээччилэрэ Васильева Сардаана, Попов Айсен, Оконешникова Тома, Матвеев Алтан, Москвитина Яна хобоон ааҕаллар.

Үөрэнээччилэри, учууталлары, төрөппүттэри оскуола директора Егоров В.Е., улуус үөрэҥин управлениетын бэрэстэбиитэлэ Охлопкова Л.Н., ветеран учуутал Гуляева А.Е. эбэрдэлээтилэр. Бастагы чуорааны Слепцова Надя, Иванов Наум (аллара снимокка) тыаһаттылар.

В. СЫРОМЯТНИКОВ

БЭБЭҺЭЭ... БҮГҮН... САРСЫН...

(Улуус баһылыгын мунһабыттан бэлиэтээһиннэр)

Ааспыт нэдиэлэҕэ АБЗ-га, бэкеринэҕэ ымайылар тахса сырыттылар. Бу кэмгэ баһаары утары охсуһар дьаһаллары ылар мөһүбөтү сарсын аһаары. Оскуолалар уонна котельнайдар баһаары утары охсуһууга ирдэбилгэ эппиэттээбэтэр.

1 №-дээх постка икки төгүллэн куорат ыччаттара көлөспүнэ үргээн иһэн тутулуунулар. Бастагы түбэлтэҕэ 11,6 кг, иккискэ 3,8 кг. көлөспүнэ тутулуунна. Постка дьуһурунайдаһын билигин да эри-эдэхситик ыытылыбат.

Село дөтөсдэтэ үлэлииргэ бэлэмнэр. Арай 1 №-дээх дөтөсдэтиги систематтар үлэ ыытылыахтаах. Дөтөсдэтэргэ ити бөрилиннээһинэ, аһылыахтарын сөп.

МУ НУ ЖКХ икки котельнай кэлбиттэн биэрэ Модука бөриллэр буолла. Гаһынан оттулар котельнайдары үлэтиги Гатлиовтан тутулууга. Ол кийибит ханна эрэ сыһыана сытар үһү. Коммунальниктар хамнастарын ылбыттар.

Учууталлар атырдыаһы мунһахтара буолан ааста. Саҕаланнаары турар үөрэх дьылыгар сыал-сорук туруорулуунна.

Бу күнүгэр үөрэнээччилэри учуоттаһын уонна медицинскэй көрүү бара тураллар.

Атырдыаһыгар улууска кыһылаах ымынах (чесотка), гепатит көбөн табыстылар. Балары утары туттулар эмтэр кырымчыктар.

Улууска тинэх дааннайынан 20059 тонна от бэлэмнэннэ, ити сыллааһы сорууда 59 бырыһыаныгар тэннээр.

Хортуоппуй хостооһуна саҕаланна. Быһа барыллаан гааттан 90 цн. кэлэр, хаппыста мөлтөх. 150 цн. дьэһимизин быһылына.

Эбии 106 сибииннэ оҕото аралылына, онон барыта улуус үрдүнэн 732 төбө кэлэн тарҕаты-

лынна. Билигин сүрүннээн саҥа үүнүү бородууксуйатын багарынан дьарыктанылыахтаах.

Күһүнү дьаарбанкаҥа хаһаайыстыба барыта, ону кытта куораттан эмиэ кэлэн кыттыахтарын наада.

Нэһиликтэр кыраныссаларын бүтэһиктээхтик бигэртээн, карталара оҕоһулуугахтаах. Оттуур ходуһалары бэрэбиэркэлээн, туһанылыахтаах буоллаһына санкилар туттулуугахтаахтар.

«Үрүҥ ас» СПК 564 тыһ.солк. бородууктаны нэһиликтээхтэн тутта, өссө да салгыт тутар. Маны таһынан 6 тн. тахса үүт бородуога саппаастаах.

Көпкэмэ республикаҥа бастагы оҕо экологическай паарката аһылына.

Улуус дьаһалтатын экономика-отдела уматык-оҕуһуотуур матырыйаалларын хааччылар станциялар, «Үрүҥ ас» СПК, кондитерскай сыах атыһылар сыаналарын бэрэбиэркэлээтэ.

Бу нэдиэлэҕэ нолуок инспекцията нэһиликтэргэ сылдыахтаах.

Намга 16 квартиралаах, Даа-дарга 12 квартиралаах дьэһэлэр быйыл үлэҕэ киириилэрэ хайаан да ситиһилиэхтээх.

Балаһан ыйыгар сылаһы ыйын түмүгүнэн улуус баһылыгын отчута ыытылыахтаах.

Улуус дьаһалтата кыстыкка бэлэм туһунан правительство председателин солбуйааччы Козловка отчуоттаата.

Өлөөн улуһун кытта таба этигэр, балыкка хардары хортуоппуй уонна оҕуруот аһа биэрэн мэнэйдэһингэ сөбүлэһин түһэрсиллэхтээх.

Субу күнүгэр Таастааһы гаастааһын боппуруоһунан дьарыктанылыахтаах.

Г. ЭВЕРСТОВ бэлиэтэннэ

Улуус дьаһалтатыгар

ДУРУОБУЙА ХАРЫСТАБЫЛЫН РЕФОРМАТЫН ПРОГРАММАТЫН ОҔОРУУГА КОМИССИЯ ТУҺУНАН

1. Доруобуйа харыстабылын уобалаһыгар Саха республикатын государственнай политикатын оҕоруунан уонна олоххо киллэринэн сибээстээн, улууска доруобуйа харыстабылын реформатын программатын оҕорууга манньык састааптаах комиссияны тэрийэргэ:
А.Н.Ядреев, улуус баһылыга - комиссия председателэ
Н.Н.Баишев, баһылык солб. - комиссия предс.солб.
В.В.Макаров, кыл.врач - комиссия предс.солб.
В.П.Крылова, 8 №-дээх аптека сөб. - чилиэн
А.П.Сивцева, социальная харалта упр.нач. - чилиэн
В.С.Хохолова, СЭНЦ кыл.врача - чилиэн

В.В.Попова, үп управлениетын нач. - чилиэн
С.Н.Тарасова, экономика управлениетын нач. - чилиэн
В.В.Ядреев, спорт отделын сөб. - чилиэн
Н.Г.Дьячковская, үөрэх управлениетын нач. - чилиэн
2. Комиссияны (Н.Н.Баишев, В.В.Макаров) 01.10.99 диэри кэмгэ улуус доруобуйатын харыстабылыгар реформа программатын бырайыагын оҕорон коллегия көрүүтүгэр киллэрэллэригэр эбээһинэстииргэ.
3. Дьаһалы толорууну хонтуруоллааһыны бэйэбэр хаалларынабын.

Улуус баһылыга А.Н.Ядреев

НОЛУОГУ ХОМУЙУГА ДЬАҺАЛЛАР ТУСТАРЫНАН

Нам улуһунааһы государственнай нолуок инспекциятын уонна улуус дьаһалтатын үпкэ управлениетын бириддиэлээн дьоннортон нолуогу хомуйуу уонна улуус бюджетын дохуоттуур чааһын толоруу тустарынан информацияларын истэн уонна дьүүлһэн баран манньык бэлиэтииргэ:

• Нам улуһун государственнай нолуогабай инспекциятын өттүттэн (Заболотский Б.Н.) нолуогу хомуйууга мөлтөх үлэ ыытылларын уонна хонтуруол ситэтэ суоһун;

• Арбын, Фрунзе, Түбэ, II Хомустаах, Хатыҥ Арбы уонна Искра олохтоох дьаһалтала баай-дуол уонна сир иһин нолуоктары хомуйууга ситэтэ суох үлэлээһэлэрин;

• Салбаҥ уонна Таастаах олохтоох дьаһалтала-ра бюджет дохуоттуур чааһын улаатыннарыга сөптөөх үлэни ыыталларын.

Российской Федерация нолуогун кодексатыгар уонна Саха республикатын «1999 с. СР нолуогабай политикатын туһунан» Сокуонунгар олоһуран манньык дьаһайабын:

1. Бириддиэлээн дьонтон баай-дуол иһин уонна сиртэн нолуогу хомуйууга нолуок инспекцията түһэрибит графигын бигэргэтэргэ.

2. 1998 уонна 1999 сылларга баай-дуол иһин уонна сиртэн нолуокка нолуогу хомуйууну нэһиликтэр баһылыктара уонна бухгалтердара ытыахтаахтар уонна декада аайы үп управлениетыгар бу туһунан иһи-

тиннэри оҕорор эбээһинэстээхтэр.

3. Федеральная казначество управлениета сир нолуогун 40 бырыһыанын, олохтоох бюджет өлүүтүн, үп управлениетын суотугар киллэрэригэр.

4. Декада ахсын нэһиликтэр баһылыктарын уонна бухгалтердарын бу боппуруоска ыытар үлэлэрин туһунан иһитиннэриилэрин истэргэ.

5. Кылаабынай бухгалтердар хас биридди төлөнөр нолуок туһунан чуолкай учуоту ыыталларыгар.

6. Бу дьыл атырдыаһы 19 күнүгэр бюджет комиссиятын мунһаҥа биллэр биричиинэтэ суох сылдыбатах I Хомустаах нэһилигын баһылыга Н.Х.Гороховы уонна Хатыҥ Арбы нэһилигын баһылыгын солб.А.Г.Новгородовы бэлиэҕэ ыларга.

6.1. Улуус комиссиятын мунһаҥа биричиинэтэ суох сылдыбатаһын иһин кылаабынай бухгалтерга мизэрэ ыларыгар Хатыҥ Арбы нэһилигын баһылыгын А.Г.Новгородовы сорууларга.

7. Олохтоох бюджетка (подходной нолуоктан уратыга) киирэр нолуоктар уонна хомуурдар үптэрин 70 бырыһыанын ЖКХ үлэһиттэрин хамнастарыгар, 30 бырыһыанын ЖКХ материальной ороскуоттарыгар тутталларыгар нэһиликтэр баһылыктарын эбээһинэстииргэ.

8. Дьаһал туолуутун хонтуруоллааһыны бэйэбэр хаалларынабын.

Улуус баһылыга А.Н.Ядреев

КӨМУС ТУОРААХ ХОМУЛЛАР

Атырдыаһы 30 күнүгэр туругунан улуус үрдүнэн 210 гектардаах бааһынаттан дьэһимизин, 20 гектартан салиэһинэй хомулуунна. Быйылгы үүнүү оччо куһаҥана суох. Гектартан орто-тунан 8 цн. бурдук үүнүүтэ кэлэр.

Бурдук хомуурун ордук үчүгэйдик Хамаҕатта уонна Никольскай нэһилигын бааһынай хаһаайыстыбалара саҕалаатылар. Бытаарыны «Сухаһыт» бааһынай хаһаайыстыбата уонна «Модут» ГУП таһаардылар. Онтон «Нам» УПХ (дир.Алексеев Д.Ф.) уонна Партизан нэһилигын (баһ.Евсеева С.Д.) бааһынай хаһаайыстыбалара бурдук быһытын күн бүгүнүгэр диэри саҕалаабакка ололорлор.

Улуус үрдүнэн хомуллубут бурдугу хомуйарга аналлаах 8 ыскылаат баарыттан 7 ыскылаат сизмэ бурдугу кутарга бэлэмнэр. Хамаҕатта сизмэ бурдугу куурдарга вентилятордар тийбэттэр.

Хортуоппуй хомуура саҕаланна. Улууска 10-ча гектардаах бааһынаттан гектартан орто-тунан 90-100 цн. үүнүү кэлэр. Ордук үчүгэй үүнүүнү «Сайылык» бааһынай хаһаайыстыбата (баһ.Охлопков И.В.) гектартан орто-тунан 100 цн. хорту-

оппуй хомуйан ылла.

Онон быйыл элбэх хортуоппуй харайыһа сорук турар. Учуттаммытынан улуус үрдүнэн бириддиэлэригэр 100-тэн тахса тонна

600 тонналаах подвалыгар олох да үлэ ыытылыахтаах аһаҥас турар.

Итини таһынан 100 тн. итэҕэс кыамталаах 14 подвалага 460 тн. хортуоппуй ууруллара былаанналар. Ити подваллар үгүстэрэ бэлэмнэр. Арай «Модут» ГУП 90 тн. быларыһын туппун подвала ситэриллэ илик. Директор Осипов В.В. бу күнүгэр саҕалаан балаһан ыйын 10 күнүгэр дьылы барытын ситэрэн үлэҕэ киллэринэм диэн эрэнээр. Онон баар подваллар-бытыгар 2330 тн. хортуоппуй ууруохтун сөп.

Оҕуруот аһын хомуура кыралан саҕаланна даһыны быйыл хаппыста үүнүүтэ олох мөлтөх буолар кутталлаах. Тохтоло суох уһун ардахтар кэнилэриттэн хаппыста силиһэ наһаа уһунуук ууга сытан, намыһах сиргэ олоппут хаппысталаах хаһаайыстыбалар балаһыаньа ара мөлтөх. Онон Арктическай улуустары кытта дуоһабардаах уонна хаппыстала сиптэтэх хаһаайыстыбаларга билигин сиппит хаппысталаах хаһаайыстыбалар көмөлөһөллөрө наада.

М.СИВЦЕВ,
тыа хаһаайыстыбатын управлениетын кылаабынай агронома



А тырдах ыйын 27 күнүгөр 1№-дээх Нам орто оскуолатын муньахтыр саалатыгар үөрэх ситини үлэһиттэрин атырдах ыйынаагы муньахтарын туһунан информация хаһыаппытыгар бэчээттэммитэ. «Энсиэли»

ренниктарга, концердарга, экскурсияларга хардарыта сылдыы. Ыам ыйыгар түмүктүүр үлэбитигэр киирэр: бөлэмнэни бөлөбүн төрөппүттэригэр муньаагы, оҕолоругар тестированиены ыытыы. Ол түмүгүнэн бөлэмнэни бөлөбүн

лайаччыта. Улууска холбохукпут 5-с сылын үлэлиир. Сорох оскуолаларга соцпедагог солбук учуутал ороолун толорор. 1997 с. «Эрэл» улуустаагы оро хамсааһына тэриллибитэ. Оскуолаларга уонна нэһиликтэргэ «Эрэл» сэбиэттэрэ үлэлиилэр. Быйыл саас «Эрэл» сэбиэтин чилиэннэрэ «Биһиги до-руобуйаны талабыт» диин оро 1 республиканской научнай-практической конференциятыгар кытты-быттара.

Нэһилиэнньэ ортотугар чөл олоҕу пропагандалыыр «Төрөппүттэр бастыг комитеттара» конкурсу ыыппытыт. Оҕону иитиигэ ара ороолун үрдэтээни пропагандалыыбыт.

Алексеев С.Ф., оро спортивной оскуолатын директора.

Намнаагы оро спортивной оскуолатыгар 583 оро үөрэнэр. Көгүл тустуу отделениетыгар - 258, саахымакка - 139, дуобакка - 51, бокска - 42, волейболга - 55, чэпчэки атлетикага - 38 оро дьарыктанар. Үлэбитин оскуола быһааныгар, улуус уонна республика календарнай быһааныгар олоҕуран ыытабыт.

Көгүл тустуу. «Саха - Азия оҕолору» фонда республиканской турнирга Саша Данилов (1 №-дээх Нам орто оск.) бастаабыт. Хатырыктан Сена Игнатьев иккис буол-бута. Кыра саастаах уолаттарга республика бастыг иһин күрэхтэһиигэ Сена Игнатьев (Хатырык), Сена Новгородов (Нам с.) чемпионнаатылар. «Боотурдар ооньчуулар» фестивалыга биһиги төүрт үөрэнээччилэрбит бастаатылар. Үс оро иккис, биир - үһүс, алта үөрэнээччилэрбит төрдүс миэстэлэниилэр. Официальной суох ааһынан биһиги 32 хамаандаттан 6-с миэстэлэнибит. Оҕолорбутун бөлэмнэһиингэ тренердэр Алекс-сей Гоголев, Семен Чердонов, Илья Обутов үлэлэрин бэлиэтиир наада.

Саахымат. Урукку сылларга биһиги оҕолорбут араас таһымнаах күрэхтэһиилэргэ ситиниһилээхтик кытталлар. Кэлин харгыһына уларыйда. Ол курдук «Старт» республиканской спартакиадага биһиги эдэр саахыматчыттарбит хамаандалара 20 хамаандаттан 11-с миэстэҕэ хаалылар. Итиннэхэ көлүөнэлэр уларыйыылара ороол-ланна. «Белая ладья» республиканской турнирга Флегонтова Саргы (Хамаатта) бастаата. Саахымат республикатаагы фестивалыгар Новгородова Марияна (Хамаатта) үһүс миэстэлэниэ. Республикатаагы саахымат - дуобат киинин чемпионатыгар Вова Максимов (Нам с.) кыйыһылааһынан тарыста.

Дуобат. Тренердэр Иван Леонтьев, маастар Розалия Егорова үгүс үлэни ыыттылар. Вася Прокопьев (Нам с.) маастарга кандидат нуор-манын толордо. Коля Петров ре-спублика күрэхтэһиилэригэр алта киһи иһигэр өрүү киирэр. Никита Габышев кандидатскай бааллаах. «Старт» республиканской спар-такиадага биһиги эдэр дуобатчыт-тарбит онус миэстэҕэ хаалбыттара.

Бокс, волейбол, чэпчэки атлетика. Нам улууһа урукку өттүгэр үгүс бастыг боксердарынан аатырбыта. Кэлин сылларга үлэ ааннаа ыытыллыбат буолан, бала-һыаннабыт мөлтөөтө. Маастар Василий Васильев Партизан бөһүөлөгөр тири бэрчээккэ ы-цадрдарын эрчийэр. Онон «тыппа-лаах» боксердар үүнэллэригэр эрэлбитин сүтэрбэпит.


Волейбол отделениетыгар оҕолору тренер Петр Окочешников быһааннаахтык дьарыктыыр. Ин-вентарынан хааччына, ол эрэри база суоҕа мэхэйдиир.

Чэпчэки атлетика отделени-етыгар маастар Ион Васильев оҕолору эрчийэр. Оҕолор дьарык-танар базалара дыдангы, усулуо-буяа суох. Тренер төһө да арыях кэмгэ үлэлээтэр, улуус сүүмэр-дэммит хамаандатыгар биир да быһыы бөлэмнээбэтэ.

Оскуолабыт спортивной базата эргэрдэ, ирдэбилгэ эппиэттээбэт. Күрэхтэһиилэргэ кыттарбытыгар транспортт суох, үп-харчы кестүбэт. Инвентарынан оскуола-лары хааччыыһыга үлэ ыытылына. Сайынны кэмгэ спортивной лаабырдары тэрийиини сағалааты-быт. Оскуолаларга физкультура учууталлары үлэлэрэ ирдэбилгэ эппиэттээбэт. Кинилэри директор-дар хонтуруоллаан үлэлэтиэхтэ-эхтэр.

В.ВАСИЛЬЕВ

УОРУУ ТАХСА ТУРАР



Атырдах ыйын 30 күнүгөр сүөһүнү уорууну, баһаары уонна наркоманины утары охсуһар улуустаагы штаб муньаагы ыытылына.

Эверстов С.И., ис дьыала отде-лын начальнигин э.т. ааспыт нэди-элэҕэ ыытыллыбыт үлэлэр тустар-ынан информациялаата.

Кини нэдиэлэ устатыгар гра-фик быһыытынан патруллаа-һыыта тахсыахтаах массыналар, сорох тэрилтэлэр, нэһиликтэр үлэһиттэрэ ситэ тахсыбатылар. Ол курдук Хамаатта, Хатырык нэһи-ликтэрэ, сир, айылҕа харыстабы-лын комитеттара, Нам с. дыһалта-та, суолу тутар өрөмүөннүүр «Нам» ГУП о.д. массыналарара араас биричиинэлэрин тахсыба-тахтарын иһитиннэрдэ.

Ити кэмгэ икки төгүл көлөппүнэни үргээбит ыччаттар тутуллубуттар. 10-ча булт саата быһдыаммыт. 20-тэн тахса админи-стративнай бороотукул толорул-лубут. 6 итирик суоппар түбэспит, 15 итириктээһин түбэлтэтэ бэли-этэммит.

Массына патрульга тахсары-гар баара-суоҕа 20 литр бензин саппааһа хаалбыт. Мантан күһүн түүн харанарбыт уонна уһаабыт комитэри уоруйахтар, наркоманнар, наркотиктарынан эргинээччилэр, отоннуйттар, булчуттар, балык-сыттар сырыылара элбиир. Бу кэм-гэ постарга дьуһуурустубаны күүһүрдэр, рейдэлэр ахсааннарын элбэтэр уонна хаачыстыбаларын тупсарар наада.

Ааспыт муньааха бэлиэтэм-мит 1№-дээх постка буудка уонна суол бэлиэтэ кыйан туруоруллу-батахтар. Дьуһуурустубага мили-ция уонна ГИБДД үлэһиттэрэ сыл-дыаллар. Киһи тийибэт, нэһиликт-тэр дыһалталарын өртүлэриттэн улахан хамсааһын суох. Өрүспүт суола аһаҕас. Үс төгүл тоһуур оҕоһуллубуттуттар биир да киһи кэлбэтэх. Өрүһүнэн II Хомустаах-тан көлөппүнэни таһаллара иһил-лэр. Өрүскэ сылдыр сокуну кэхэ-эччилэр сэлтээхтэрэ биллэр.

Ааспыт сырыыга Горнай улуу-һугар тийээн тутуллубут сүөһү уоруйахтарын дыһалаларынан ку-рорат тэрилтэлэрэ дьарыктаналлар. Кинилэр төһө сүөһүнү уорбуттара чуолкайданар. Итилер тустарынан информацияга этилиниилэр.

Кэпсэтиигэ кыттыбыттар дьу-һуурустубага тахсыахтаах массы-налар алдынан графигы көтүппүттэрин, ону чуолкайдьыр сөптөөбүн, түүн харанарбытынан постарга турааччыларга электри-ческой фонариктар, чүмөчилэр на-даларын, кинилэри карабиннары-нан, автоматтарынан уо. да. тэрил-лэринэн хааччылары, буудканы суһаллык туруорары эттилер. Бен-зин тийибэтэ мэхэйдириин, өрүскэ сылдырга мотуордаах оҕочо суо-бун, сибээс олохтоһоро эрайиллэ-рин бэлиэтээтилэр. Ардахтар аһаһанар суол кууран дьон пуу-нары тумнар суолларынан сылды-аллары, соторутаагыта тохтотул-лубут массынаалаахтар саалары-гар түөрт ботуруоннаахтарын, кууллаахтарын уонна кустуу сыл-дыалларынан өһүчүттэрин кэпсэ-тилер.

Штаб муньааһын кыттылаах-тара дьуһуурустубага тахсыбат техникалаах тэрилтэлэр салыаач-чыларын, суоппардарын, биирди-илээн дьону сокуону кэспэксэ эрэ сэмэлиир, көүлүүр дыһаллары сүбэлэстилэр. Үлэҕэ баар итээстэ-ри ыйдылар, ону хайдах туората-ры ыйдылар. Инникитин хайдах дыһанан үлэ кэдьүүһүн үрдэтэри дьуһуурустубага.

Г.С.Потапов, Никольская нэһи-лигин баһылыгын туһааннаах болпууоска үлэтин отчуота исти-линэ.

Нэһиликтэ 8 киниттэн саста-

аптаах штаб тэриллэн иккитэ мун-ньахтаабыт. Үлэ быһаана оҕоһул-лубут. Баһаартан сэрэхтээх буолу-га биридди ыалынан сэрэтин оҕоһуллубут. Ону олохтоохтор илии баттаан бигэргэппиттэр. От-чуттар, отоннуйттар сэрэтилли-биттэр. Бу ыйга нэһиликтэ дьону дьуһуурустубага 7-тэ тахсыахта-ахтарыттан иккитин көтүппүттэр. Бастакытыгар массына, иккинги-гэр баһынай хаһаайыстыбатын салыааччыта Иван Бережнев бу-руйдаахтар.

Дьуһуурустубага тахсааччы-лары дыһалта транспортынан ха-аччылар. Быраан үрдүнээги поста-ка буудка, туалет, усулуобуйа су-охтара ыарахаттары үөскэтэллэр.

Көлөппүнэни суох өҥөрүүга Иван Бережнев күннэтэ: «Ээх!» диир да баһынаатыгар үүммүт көлөппүнэни үргээбит. Тьын эрэ миньитэр. И.И.Герасимов 5 гек-тардаах үс баһынаатыттан хомуй-бут көлөппүнэтин уматын иннинэ куурдаары чөмөхтөөбүтүн уорбут-тар. Нэһиликтэ сүөһү сүппүтүн туһунан үгүсүгү киһэ илик. Нэһи-ликте дыһалттата олохтоохтор 12 сүөһүлэрин өлөрүүгө ыспыраапка биэрбит уонна хаһаайыстыбаннай кинигэттэн таһаарбыт.

Новгородов А.Г., Хатыг Армы нэһилигин баһылыгын солбууаач-чы.

Нэһиликтэ 20 чилиэннээх сүөһүнү уорууну, баһаары, нарко-манины сэрэтиигэ штаб тэриллэн быһааннаан үлэлиир. Ааспыт кэм-гэ икки муньаах ыытыллыбыт. От ыйыгар - 5-тэ, атырдах ыйы-гар - 8-та патруллааһын тэрилли-бит, рейдэлэр оҕоһуллубуттар.

Баһаартан сэрэхтээх буоларга Аппааны, Кыһыл Дэриэбинэ уонна Граф Бизрогин 467 ыаллара сэрэ-тиллибиттэр.

Куоракка атыһылааччылар оҕуруот аһыгар - 2, сүөһү этигэр - 18 ыспыраапканы ыбыттар. Аас-пыт кэмгэ үс сүөһү сүппүтэ бэли-этэммит.

Баһынай хаһаайыстыбалара бэйэлэрин массыналарынан дьу-һуурунайдыллар. Көлөппүнэ баа-һыналара сэдэхтик үүнэр.

Улуустаагы штаб көлөппүнэни хомуйааччылары утары үлэ Ни-кольская, I, II Хомустаахтар нэһи-ликтэригэр мөлтөөбүн, I Хомуста-ах нэһилигин баһылыга Горохов Н.Х. дыһаллара нэһилиэнньэҕэ тийбэттэрин бэлиэтээтэ.

Суолу-тутар уонна өрөмүөннүүр «Нам» ГУП (нач.Фе-доров А.С.), 1№-дээх быраан үрдүнээги постка буудканы, по-стар тастарыгар массыналар ско-ростарын хааччытыр бэлиэлэри суһаллык туруорарыгар эбээһинэ-стээтэ.

Балаан ыйын 1 күнүгөр дылы туруорсан постар рацияларынан сибээһи олохтоһон ыйылына.

Улууска мобильнай, уларыйа сылдыр постары тэрийэн, рейдэ-лэр ахсааннарын элбэтэр уонна географияларын кэргэтэр наада-лаагы ыйылына.

Үөдэй нэһилигин дыһалтата 2№-дээх Үөдэйдээги поһун была-аннаахтык үлэлэтэрин соруйда. Постка тахсар милиция сотру-дуктарын толору оборудованиан хааччыыһы наадалааҕа бэлиэтэнэ.

Сэрэтэр үлэни күүһүрдэр ин-ниттэн республика МВД -н уонна ОМОН-тан көмөнү көрдөөһүнү на-адалааһынан аахта.

Постарга турааччылар түүнүгү кэмгэ биирдиллэрэ фонардаах бу-лалларыгар сүбэлээтэ. Кинилэри эбээһинэстэрин, бырааптары кытта билсиниһириин тупсарар дыһаллары быһааннаата.

Бигэргэтиллибит график бы-һыытынан дьуһуурустубага тах-сыбатахтарга дьуһуурустубала-рын ахсаанын элбэтэргэ, тэрилтэ-лэр уонна хаһаайыстыбалар ГСМ-нан хааччылыыллары, гос-поддержка харчытын биэриини тохтотору үөртэн көрөргө сору-дахтана.

Дьуһуурустубаттан куотунар дьонго олохтоох дыһалталар кы-таанах административнай мизре-ни сокуонун иһинэн ылыналлары-гар эбээһинэстээтэ.

В.СЫРОМЯТНИКОВ

УЛАРЫТЫҤ ҮӨРЭХТЭЭҤИҤГЭ ЭМИЭ КИИРЭР

бүгүңгү нүөмэригэр муньааха ыытыллыбыт дыһаллары, дакы-лааты дьүүлээһиңгэ кыттыбыттар этиилэрин кытта билсин.

Муньаагы улуус дыһалтатын баһылыгын солбууааччы Баишев Н.Н. салайан ыытта. Үөрэйириң бүгүңгү проблематын тула кэпсэ-тиигэ кытыннылар: Дьячковская Н.Г., үөрэх улуустаагы управлени-етын начальнига, управление үлэ-һиттэрэ, оскуола директордара, завучтара, специалисттар, учуутал-лар о.д.а. Дьокуускайтан Степано-ва Т.И., учууталлар квалификация-ларын үрдэтэр институттарын проректора, Обутова А.Д., үөрэх үлэһиттэрин саңалы бөлэмнээ-һин факультетын декана ыалдыт-таатылар.

Учууталлар атырдах ыйы-наагы сүбэ муньаахтарын Баишев Н.Н., улуус дыһалтатын баһылы-гын солбууааччы кылас кириин тыһыанаста. Муньаах кыттылаа-хтарын кэлээри турар үөрэх дыл-лынан эбэрдэлээтэ, олохторугар, үлэлэригэр ситиниһилэри баҕарда.

Саңа үлэни кэлбит эдэр спе-циалистары эбэрдэлээһин церемо-ниатын кэнниттэн «Нам улууһугар үөрэхтээһин сайдыытын уонна са-ғардыытын проблемалара» дакы-лааты Дьячковская Н.Г., үөрэх улу-устаагы управлениетын начальни-га онордо. Кини үөрэнээччилэр сайынны сыһыаннарын тэрий-иигэ уонна общественность күүһүнэ оскуола объекттарын тут-тарыыга үлэни ыыппыт оскуола-лар директордарыгар уонна завуч-тарыгар улуус үөрэххэ управлени-етын бириэмийэлэрин туттартаа. Кинилэр ортолоругар бааллар (директордар): Гуляев Ф.Д., (Партизан орт.оск.), Барашков А.И., (Үөдэй орт.оск.), Сивцев Д.Е., (I Хомустаах орт.оск.), Ядрихинский С.П., (Хатыг Армы орт.оск.), Ми-хайлов П.Р. (Бөтүг орт.оск.), Гуля-ев В.И., (Модут орт.оск.), Гавриль-ев В.Д., (Түбэ орт.оск.).

(Завучтар): Попова А.С., (Нам I №-дээх орт.оск.), Дьяконов М.Н., (I Хомустаах орт.оск.), Яковлев А.Д., (Үөдэй орт.оск.), Полякова Л.М., (Нам I сүһүөск. о.д.а.)

Алексеева Г.Г., ыччаты үөрэх-тээһингэ консультационнай пуун методиһа, үлэлиир ыччаты үөрэ-тиигэ көмөлөспүт оскуолалар за-вучтарыгар спонсордар анаабыт бириэмийэлэрин туттарда. Кини-лэр ортолоругар Гоголева Е.Р. (Көбөкөн), Сокольников А.Г. (Мо-дут), Олесов Т.Т. (II Хомустаах) аат-танылар.

Дакылааты дьүүлээһиңгэ кыттыбыттар этиилэрин кылга-тан бэчээттибит.

Замятина А.Е., Бөтүг оро са-адын иштээччигэ.

Аныгы олох хардытыгар сөп түбэһиннэрэн оро саада уонна на-чальной оскуола ыкса сибээстээх-тик үлэлииллэрэ билигин кэм ир-дэбилэ буолара дакаастанна.

Бөтүңгэ оскуола уонна оро са-ада ыкса сибээстээхтик үлэлээби-пит бэһис сылыгар барда. Ити үлэ-ни методической холбоһук салы-ааччыта, начальной кылаас учуутала Баишева М.С. түөрт сыл иилээн-сағаланан кэллэ.

Ситимнээхтик үлэлиир сыал-тан саңа үөрэх сағаланыыта оро саада уонна оскуола үлэлэрин бы-лаанын оноробут.

Былааммытын ыйдарынан ат-тарабат. Холубура, алтынны ыйга: Холбоһуктаах пед.советка үлэ быһаанын ылыныы.

Начальной кылаас учууталла-ра бөлэмнэни бөлөх оҕолорун төрөппүттэрин муньаагар сылды-ыылара, сүбэлэри биэриилэрэ.

Иитээччилэр оскуолага I кыла-аска аһаҕас урооктарга сылдыы-лара.

Оро саадыгар ыйдарынан атта-ран тестированиены ыытыы. Ут-

ыттар учуутал 15 хонук оҕолору үөрэтэр.

Оҕолору оскуолага атаарыы бырааһынныыгар начальной кыла-ас учууталларын сырытыннарыы.

Начальной кылаас учууталла-ра уонна иитээччилэр аныгы олох ирдэбилиинэн үлэбитигэр саңаттан - саңа хайыскалары утумнаахтык киллэрэбит.

Ол курдук маңнай үлэбитин сағалыырбытыгар оро оскуолага киирээригэр аагарга, суруйарга, су-оттуурга бөлэмнээх буоларын си-тиһэргэ кыһаллабыт. Ый айыы учу-уталлар оро саадтарыгар кэлэн иитиллээччилэр үөрэтини төһө ылыналларын, аағаларын, кал-леграфияларын билээлэр.

Начальной кылаас учуутала М.С. Баишеваны кытта бөлэмнэ-ни бөлөбүн оҕолоругар үөрэтии анал программатын оҕостон учуу-тал, наставник Прудзеникова Д.К. ааһыыга көмө пособиетын онорбу-тунан үлэлиибит.

Оскуолага киирээригэр аахпыт оро болҕомтолоох, оттомноох, тэрэ-эһиннээх, билиэн-көрүүн бағалаах, үөрээр ситиниһилэрдээх буолар. Оҕону кыра сааһыттан төрөөбүт тыһын баһылыгыра кыах биэрэн, алын кылааска ситиниһилээхтик үөрэнээригэр олак ууруллуохтаах.

Бастакы аагар буолан барбыт оҕолорбут оскуолага 83 бырыһыан-нара хаачыстыбалаахтык үөрэм-миттэрэ. Бастыңгар биир мүнүүтэҕэ 76 тылы, мөлтөхтөр 15 тылы аағалара. Кэлин да сыллар-га оҕолорбут көрдөрүүлэрэ танна-ры түспөт.

Попова А.С., Нам I№-дээх орто оскуолатын завуча.

Үөрэх управлениетын началь-нига Дьячковская Н.Г. дакылааты-гар сыллаагы үлэ түмүктэргэ киз-ниги ырытыллан сырдаттылына.

Биһиги оскуола учууталлара үөрэх хаачыстыбатын үөрэтиигэ араас хайысханы туһунан үлэли-илэр. Ол курдук үөрэнээччилэр кыахтарын, бағаларын учуоттаан хас да үөрэх варианнырын үөрэ-тэбит, анал кылаастары астыбыт.

Үөрэх туйгунарын кытта бы-лааннаах үлэ ыытыллан кэнники үс сылга үс үрүн көмүс медалис-тары бөлэмнээбит.

1997 сыл - Бугаева Альбина СГУ ФЛФ нуучча уонна аан дойдутаагы художественной культура салаата.

1998 сыл Дьяконова Татьяна СГУ Матфак Тусакова Акулина ФЭИ аан дойдутаагы экономика факультета.

Быйылы үөрэх дылыгар XI кыл. 2 оҕону кытта салгыы үлэ ыытыллыа.

Биир сүрүн хайысханан абиту-риеннары-выпускниктары кытта үлэ.

Бастакы чиһпээр түмүтэр оску-оланы бүтэрээччи ханык үөрэххэ туттарсара быһаарыллан салгыы биирдүүлээн дьарыктаныыны үөрэтэр учууталлар ыыталлар. Ону таһынан СГУ преподавателлэ-рин анал спецкурстарын ыыттары-быт.

Нуучча тыла, математика, фи-зика, биология, химия, история, саха тыла уонна литературата.

Государственной экзаменнар кэннилериттэн «Абитуриент» опе-рацияга кыттан оскуола бастыг учууталларынан анал дьарыкта-ныыны ыыттыбыт.

Үөрэххэ киириин биир таһы-мига турар: 1995 с. — 46,4, 1999 с. — 53,4%

Олох ирдэбилигэр эппиэттээн республикага биир бастакынай XII кылааһы аһан икки сыл үөрэтти-бит. Бастакы сылытыгар 20 вы-пускниктан үрдүк үөрэххэ - 4, орто үөрэххэ - 8, иккиспитигэр 25 оҕо-тон - 4 үрдүк үөрэххэ киирдилэр.

Иванова В.П., соцпедагогтар улуустаагы холбоһуктарын са-

Аал уот сыраланнаах, алаһа дьэ ахтылланнаах



САМААН ДЬИЭ

Бу тутуу матырыяала тыһынчанаан сыллар усталарыгар биллэр. Самаантан Кытай Улуу истиэнэтэ, Египеккэ уонна Перуга пирамидалар, бидиги улууспут киһиэер типография дьэиэтэ тутулуубуттара. Буору сэмэн оҥоһуллубут матырыяалтан тутуулар бөбөлөрүн-табаларын Петербург аттыгар баар «Приорат» дьэи дьыбарыас-замоктан көрүөххэ сөп. Бу дьыбарыас икки сүс сыл анараа өттүгэр тутулуубута уонна биллэһээтэ дьэри чэгиэн турар. Аан дойдуга самаантан оҥоһуллубут дьэилэргэ миллиартан таһа киһи оморор.

Самаан бөбөтүнэн уматыллыбыт кирпиччэттэн улахан уратыта суох, итинни аһарытыннан 25 бырыһыанынан намыһах, онон итинни ороскуоттаһына быдан кыра, мас тутуутааһар өр үйэлээх. Өссө биэр үчүгэйэ — самаан ыйаһына кыра буолан сир хамсааһыныттан эмсээһэлээбэт. Итинни таһынан самаантан тутулуубут дьэилэр сыаналара олус чэпчэки, туттар киһи хармаанын аһара хапсыһпат. Тутууну ыһтыгы анал специалистарга, уустук оборудованиега, элбэх энергияны туһаныыга наадыһбат. Самаан дьэиэни кыра ороскуоттаах хайа баһарар киһи туттуон сөп.

САМААН КИРПИИЧЧЭНИ ХАЙДАХ ОҢОРОУОХХА СӨБҮЙ

Туой, кумах ыһыллар, илигиллэр уонна онно кырбамыт соломо эбиллэр. Бу матырыяаллар бары биһиги улууспутугар дэлэйдэр. Кирпииччэ кээмэйэ араас буолуон

сөп. Улахана — 40x19x13 см., орто — 36x17x13 см., 33x16x12 см. Чаһынай тутууччыга кыра кээмэйдээх, 8-9 килэ ыйаһынаах кирпииччэ оруобуна сөп буолар дьэи опыт көрдөрөр.

Самаан буккааһынын састааба маньык буолуон сөп: холобура, 2-3 бьэдэрэ туойга 1 бьэдэрэ кумах кутулар. 1 кубометр итинник буккааһыкка 12-15 килэ соломо кырбамытын эбэтин. Уу төһө наадатын маньык боростуойдук бэрэбиэркэлиэххэ сөп: буккааһыкыттан 2 сантиметрдаах шарик онорон бараһынын 1 метр үрдүктэн кытаанах сиргэ түһэрэтин, оччо шарыгы хайдыбатах да, лэппэйбэтэх да буоллаһына уута сөп дьэи буолар.

Кирпииччэлэри түгэхтээх да, түгэһэ да суох кьиптэргэ сэмэн онороллор. Кьип конустугу, аллара өттө 2-3 см. кэтит буолуохтаах, оччо устан ыларга чэпчэки буолар. Кьип кирпииччэтин былаанна-

абыт кээмэйгиттэн 8-10 бырыһыанынан улахан буолуохтаах, тоҕо дьэиэтин кирпииччэ хаттаһына кьиччыр, ис өттө устуруостанар.

Буккааһыккын сэмизг итинниэ кьипкин уунан илитэтин, эркиннэрин кумаһынан эбэтэр мээккэнэн ыһаһын. Онтон буккааһыкыттан ылангынын күүскэ кьип иһигэр быраһаһын, илигинэн, анал маһынан сэмэн бьэрэтин. Ол кэннэ кьипкин устан ылаһын. Самаан кирпииччэ 7-12 күн куураар. Куурдарга бастаан сытыары, онтон ойоһонунан ууруллар уонна 6-8-ты устукагына-гына кьилиэккэ онорон иһэллэр.

Самааны өссө бөбөтүтэр наадаттан сорохтор куурбут кирпииччэлэртэн штабель онорон баран төгүрүччү 1-1,5 метр үрдүктээхгына соломо уураллар уонна уматаллар, уот уонна буруо штабелы барытын хаһар буоларын хайаан да кэтээн көрүөххэ наада.

Бэлэм уурулуубут эркини паяһынай лаампанан сьитиэххэ эмиз сөп. Итинник уматтаһына эркингэ ардаһтан уонна хаартан көмүскүүр кытаанах хах үөскүүр. Уматыллыбыт самааны суньунэн мунуктары, түннүк кьытыгынын, дьэи аллара өттүн уураһа тутталлар.

САМААН ЭРКИННЭРИ УУРУУ

Ханнык баһарар эркин курдук, самаан эркин эмиз фундаменгга ууруллар. Кьипат усулуобуйатыт-

тан, дьэиэ туохха аналлаһаһыттан, кирпииччэ кээмэйгиттэн көрөн биэр, балтараа, икки кирпииччэ кэтитинэн ууруллар. Алдыамыт кирпииччэни хаһан да туттуман.

Эркини уураһа дьэиэни төгүрүччү түннүк аллара өттүгэр дьэри хаптаһын, талах эбэтэр хамыс арматура туруораллар. Тьисинэр сьирдэри итинник матырыяалынан хас 50 см. үрдэтигин аайы арматуралаан иһэллэр. Мунуктарга уонна эркиннэр быһыта охсуһар сьирдэригэр сытыары сьиктэргэ (нууччалыта «шов» дьэи аатыраар) сьиньигэсгына хайытыллыбыт маһы эбэтэр штукатуркага туттуллар тырыныкалаамыт маһы ууруохха сөп.


Самаан эркини хойуу туой буккааһыкка эбэтэр самаан оҥоһуллубут буккааһыныгар уураллар. Испьэскэ-цемент буккааһынын эмиз туттуохха сөп. Сьинин («шов») кэтитэ 1 сантиметртан кьирата суох буолуохтаах. Аһара кэтит сьиктэ-эх буоллаһына эркин хайыта барыан сөп. Эркин тас өттүнээһи сьиктэрин 1,5-2 см. аһаһас хаалларар ордук. Ити облицовка самааны кьытары тутуһуутугар улахан көмөлөөх буолар.

Тутуу бөбүтүн сыл буолтун кэннэ самаан эркини испьэскэ-тэи (1:1) буккааһынын мэкиинэ эбөн баран штукатуркалыһыллар. Туой-кумах (1:4) буккааһынын эмиз туттуохха сөп. Штукатурка бөбө буоллун дьэи 10-15-ти сантиметр буола-буола 5 сантиметр дьирингэ 7 сантиметр уһуннаах мас тоһоһолору кирпииччэлэр икки ардыларынааһы сьиккэ сааһааллар. Тоһоһо конустугу буолуохтаах, эркиннин үрэйбэтгына сэрэнэн сааһахтааһынын.


Хаппытын кэннэ эркини өссө төгүл туой-кумах буккааһынын сыбыһыллар, испьэскэлиллэр.

ХАС ДА ТУҢАЛААХ СҮБЭЛЭР

Олус сыалаах туойга кумах эбэр хайаан да наада, олгынан ба-



Икки кирпииччэ аналаах кьип.



1-кы эрээт
Самааны куурда ууруу.
2-с эрээт



1-кы эрээт
1 уонна 1,5 кирпииччэ кэтиттээх ууруу бэрээдэһэ.
2-с эрээт

ран уопсай кээмэйин түөрт гыммыттан биэриттэн ордуга суоһу.

Кирпииччэ онорор туойгун күһүн бэлэмниир ордук.

Туойга буккуйар кумаххын хайаан да сьидэлиэхтээһин, кумахха атын эттик суох буолуохтаах.

Соломону туой бьэс гыммыттан биэриттэн кьирата суоһу эбэллэр.

Буккааһыккын үчүгэйдик мэһийиэхтээһин.

Самааны саас онорор ордук. Оччо то тутуун сайын устата үчүгэйдик кууруу-хатына.

Самаан тутуу фундамена тоһомотун наадатыттан кьинини 107 см. итэһэ суох дьирингэ ууруохтааххын.

Цоколь уонна самаан эркин икки ардыларыгар 2,2 см. халынаах цемент эбэтэр туос прокладка ууруллар.


Самаантан тутулуубут дьэи муостатын боппоһуода куурбутун кэннэ уураар ордук.

Олорор дьэи эркинин халыга балтараа кирпииччэ (60-62 см) буолара ордук. Тьымны аһаары биэр кирпииччэ халыгынан уураар сөп.

Балтараа кирпииччэ халыгнаах ууруу үрдүгэ 7,1 м. буолуохтаах. Оттон биэр кирпииччэ халыгнаах ууруу үрдүгэ — 4,2 м. Атыннык эттэххэ, тутуу үрдүгэ эркин халыгынын уонун саһаттан үрдүө суохтаах.

Бачэксэ И. СИВЦЕВ
бэлэмнээтэ

ТУОСТАН УОННА МАСТАН ӨРӨН ОҢОҢУКТАР



Урут биһиги төрөппүттэрибит лиэнтэли кьырыллыбыт туостан, тьымтыккын тырыллыбыт бэс, тьит мастартан өрөн оҥоһуллубут иһиттэри тутталлар эбит. Мин кьыра сьылдан аһам тьымтыктан өрөн онорбут тьымтайын көрөр буоларым. Чуолаан, оннук иһиттэр балыксыт дьоннордоох ыалларга баар буолааччылар. Өрүллэн оҥоһуллубут тьымтайы, кьыра хайа-аһастардаах буолан, салгынын курдат охсор буоллаһа. Онон балыгы кутан баран күүх оту үргээн 4-5 сантиметр халыгнаахгына бүрүдээн күлүк сиргэ уурдахха сьин уһуннук сьибээһи туураа.

Өрүү иһиттэри оноруох итинниэ туостан кьырыан лиэнтэлэри, бэс эбэтэр тьит лэксэлэртэн хайытан, тыһыран тьымтыктары бэлэмниллэр. Ити лиэнтэлэр, тьымтыктар кэтиттэргэ тэн буолуохтаахтар. Төһө улахан, туох иһити онороргуттан көрөн 1-3 см. кэтиттээх буолуохтарын сөп.

Иһитин быһытыттан, кээмэйгиттэн көрөн түгэх буолар лиэнтэлэринэн хардары таары хатыйа ууран өрүллэр (2-с ойуу). Манна лиэнтэлэриг аһаана чорбоһо суох, пааралы буолуохтаахтар. Чорбоһоох буоллаһына үһэ эрийэ туту-тута төттөрү хатыйа угарга сөп түбэһэп.

Ити өрүллүбүт түгэхпиттэн устатын, туоратын кээмэйдээн, төһө үрдүктээх буолуоһар сөп түбэһиннэрэн чууркаттан түөрт кьырылаах кьип оҥоһуллар (1-кы ойуу). Кьипи өрүллүбүт түгэх үрдүгэр ууран лиэнтэлэр уһуктары кьипкэ сытыары, туруору тардыталаан баран быанан баһаан туттарыллар (3-с ойуу) уонна атын лиэнтэлэринэн сытыары, эргийэ хардарыта угуталаан өрүллэр. Итинник наадыһар үрдүккэр дьэри өрөн таһаарыллар. Хас биэриди эргийэ өрүүг уһуктары аһарыта өрө-өрө төттөрү эрийэ тутан сомуоктаан иһиллэр (4-с ойуу).

4-10 мм. халыгнаахгына кьыһылыбыт инчэвэй талахтан өрүллүбүт иһит тас өттүнэн иһили эргитэ тутан кээмэйдээн ылан баран уһуктары сабынан эрийэн холбоон ии оҥоһуллар. Оҥоһуллу-

бут иһин иһитин тас өттүнэн кэ-тэрдэн баран кьипи устан ыһыллар.

Туруору, ингнэри лиэнтэлэр уһуктары ии икки өттүнэн хардары-таары умса токурутан түһэрэн иһит эркинин хатыйа угутугар уган туттаран иһиллэр (5-с ойуу).

Оттон төгүрүк аһахтаах иһиттэри онорор буоллаһа түгэх тэн өрүттээх квадрат быһыылаах буолуохтаах. Тэн кэтиттээх тэн аһаанаах лиэнтэлэри хардарыта өрөн, онтон кээмэй ылан түөрт кьырылаах, тэн өрүттээх кьипи оноруллар. Кьипи ити өрүллүбүт түгэххэ ууран баран лиэнтэлэр уһуктары кьип эркинигэр сытыары, туруору төһө наадыһар үрдүккэр дьэри өрөн таһаарыллар. Лиэнтэлэр быһа холуйан 45 кьыра-адыс ингнэри хайысхалаах буолаллар. Онон балайда тупсаһаидык көстөөччү. Иһит иһин үһэ этилибитин курдук оҥоһуллар. Тутуаһын туос лиэнтэттэн, кьылтан, сьилтэн хатан оноруохха сөп (6-с ойуу).

Туос лиэнтэнэн тутуах онорор буоллаһа уһун лиэнтэни икки хос тутан иһит аһарын аһар кьытыгыгар хайаһас онорон уган таһаарыллар. Онтон лиэнтэ икки уһуктары иһит аһарын утары өттүгэр эмиз хайаһас онорон хардары-таары (угарыта) угаттаан ылан баран, уһуктары тутуаһар хардарыта эрийэн нөһүө өттүгэр иһэн бьэи-бьэитин иһигэр угаттаан кьипиһэллэр. Тьымтыктан өрөн онорорго ты-ыраар маскын иһин ууга чаас аһара сытыаран сьымнаһыллар. Тыһыраар туттар быһаһын олус сыгыһыта суох буолуохтаах. Сытыы буоллаһына саһын устун хайыппакка быһа сьылдыар (7-с ойуу).

Тьымтыктан оҥоһуллубут иһит аһаһар 5 см. кэрингэ кэтиттээх туоһу уонна талахтан ии онорон туттуллар. Уһун туос лиэнтэнэн туос курдааһыны уонна тьымтыктары үттүү-үттүү кэтэрдиллибит иһин тас өттүнэн эрийэ тьинэн туттарыллар.

Инокентий ИГНАТЬЕВ,
РСФСР, ССРС чорбьирьилэрин туйгуна, цэ, тьыла ветерана

**ИДЬУО
ИНИТИННЭРЭР
ХАЛЛААН
ХАРАҢАРДА,
УОРУУ
ҮКСЭЭТЭ...**


Улууска атырдах ыйын 22-тэн 29-гар диэри кэккэ быһылааннар бэлиэтэннилэр. Граф Бизэргинэи социальная реабилитация училищетын остолобуойуттан 100 баанга кыраасканы уорбуттар. Манна уорбаланаан урут сууттаммыт, бу бөһүөлөк олохтооҕо 1968 сыллааҕы төрүөх Дворник А.С. тутулунна. Холуобунай дьыала тэрилиннэ. Нам селотугар баар кырдыаҕастар дьыаларын олохтооҕо Слепцов П.П. инитиннэрибинин атырдах ыйын 20 күнүгэр ити дьыаттан биллибэт дьон телевизор уорбуттар. Эмиэ ити күн Аппааны бөһүөлөгэр Новгородова М.П. дьыаттан биллибэт дьон телевизоры уонна видеоманитофоны кыбан барбыттар. Бу түбэлтэбэр уорбаланаан Хатырык олохтооҕо, урут сууттаммыт, 33 саастаах Тихонов К.В. тутулунна, холуобунай дьыала тэрилиннэ. Эссө биер уоруу улусПО ырынагар таһаарылынна. Биллибэт дьон атырдах ыйын 21 күнүгэр итинтэн пибэлээх суумканы, куурканы, эр киһи кроссовкатын илдьэ барбыттар. Аны кимнээбэ биллибэт дьон атырдах ыйын 23 күнэ үүнэр түүнүгэр хаһаайыстыбаннай маҕаһынгга түүнүгүнэн киирэн икки кассеталаах аудиоманитофону уонна бордуукталары уорбуттар. Нөҥүө түүнүгэр кулинарнай маҕаһынтан эмиэ түүнүгүнэн киирэн бордуукталары уорбуттар.

Быраан үрдүгэр баар 1 №-дээх поска массынаны бэрэбиэркэлээн түмүгэр икки төгүл көлөппүнэни үргээбит эдэр уолаттар тутулунулар. Бастагы түбэлтэбэ Дьокуускай куорат олохтоохторо Лоценков А.К., 1981 с.т., Лоценков А.Н., 1979 с.т., Карпов А.П., 1980 с.т. «Жигулинан» сылдьан 11,6 кг. көлөппүнэлээх түбэстилэр, иккискэ — 3,8 кг. хомуйбут «Нива» массынанан сылдьар Марха олохтоохторо Походня В.Ф., 1970 с.т., Хорошев Д.А., 1978 с.т., Янчук О.Г., 1980 с.т., Хоролец В.С., 1978 с.т. тутулунулар. Бу түбэлтэлэргэ холуобунай дьыалалар тэрилиннилэр.

Бөтүг оскуолатын сайынгы лааҕырын дьыаттан сорох шиферын суйдаан, УАЗ массынанан тизээн барбыттар. Хатырыкка сокуоннай сааһын туола илик Кутуков кырбанан балыһаа киирдэ. 2 Хомустаахха Тимофеев И.С. квартиратыгар гр. Шумилов К.Н. өлүгэ көстүбүт. Манна уорбаланаан бу бөһүөлөк олохтоохторо Сторожев В.И., Тимофеев М.С. уонна Тимофеев И.С. тутулунулар.

Бу быһылааннарга, түбэлтэлэргэ бэрэбиэркэлэр, силиэстийэлэр ытыллаллар. Ааспыт нэдиэлэбэ 7 киһи бытархай күлүгээннэ-эһиниһи, 15 киһи арыгылаан милицияга ағалылынылар. ГИБДД хайысхатынан 28 киһи суол быраабылатын кэһэн түбэстилэр, кинилэртэн 6-ра итирик туруктаах. ГИБДД сотрудниктарынан бэрээдэги кэһи иһин 3 булт саата былдьанна.


Улуустаабы этнографической музейга улуус талааннаахтарын үлэлэрэ көрдөрүүгэ тураллар. Онно Үөдэй орто оскуолатын учуутала Е.Д. Николаев кустуутун силиминээн онгорбут хартыһыналар, Аппааны олохтооҕо Т.В. Сивцев кыраасканы уруһуйдара, уран тарбахтаах С.Н. Костромин мастан үлэлэрэ, Көбөкөн оскуолатын учуутала В.И. Кривошапкин мас иһиттэрэ, Көбөкөнтөн С.А. Софронова хабах суумката, Бөтүгтөн Е.Н. Макарова кылынан өрүү өҥөһүктара көрөөччүлэр болҕомтолорун тардаллар.




Е.Д. Николаев кустууттан онгорбут «Охсуу» (Улар), «Түүнүгү айылда» (Таба) үлэлэрэ.



Худуоһунньук Т.В. Сивцев «Таһара дьыэтэ», «Кэҥкэмэ» хартыһыналар.



Уран тарбахтаах С.Н. Костромин мастан өҥөһүктара. В.Сыромятниковустуулаара.



**НАМ
УЛУУҔУН
КЭСКИЛИН
ТҮСТЭЭН**

Быйыл Дьокуускайга «Социально-экономический комплекс региона Центральной Якутии: предпосылки формирования, структура и перспективы развития» диэн кинигэ бэчээттэнэн табыста. Онно Нам, Хаҥалас, Мэҥэ-Хаҥалас, Уус-Алдан, Горнай уонна Дьокуускай айылҕатын, экономикатын, социальной эйгэтин боппуруостара таарыллыбыттар.

Кинигэбэ Нам улууһа Саха Республикатын киин регионун бөдөҥ промышленной дойдута буолар диэн суруллубут. Кинигэ автордара Н.В. Бекетов, И.Д. Егоров уонна М.Ю. Присяжная Нам улууһун сайдыытын чинчийэн баран, манньык санааҕа кэлбиттэр эбит. Улууска үөһээ ааттаммыт регион социальной-экономической комплексын промышленной тэрилтэлэрин углеводородунан хаачыйар турбалар баалар. Ону тэнэ, автордар санылларынан, улуска неби переработкалыыр собуот тутуллан үлэтин сағалаатаҕына бюджетка да, нэһилиэнньэбэ да абыраллаах буолуо. Уопсайынан, кэһэҕэски кэмнэргэ улуус хаһаайыстыбата сайдарыгар тутуох салааларынан алмааһы кырылыыр комплекс, маһы обработкалаһыр, мизэбэли онорон таһаарар промышленность уонна асуөл тэрилтэлэрэ буолуохтаахтар эбит.

Боростуой ааҕааччы кинигэни ааҕан иһэн бээ, бу биһиги улууспут дьаһалтата мэнэлэрдин, хаҥаластардыын сибээстэрин кытаатыннардыан сөп эбит буолбат дуо диэн санааҕа ылларыан сөп. Тоҕо диэтэргит, холобура, хаҥаластар фарфоровай-фаянсовай бордууксуйаны онорон таһаарары былааннылар эбит. Ону тэнэ Соҕуруу Корея тэрилтэлэрин кытары үрдүк хаачыстыбалаах бытовое техника оһоһулуохтаах, хортупуйу, кукурузаны переработкалааһын (о.а. чипсалары, кукурузнай хлопьялары у.д.а. онорон таһаары), уотурбаны онорор собуот тутулуута былаанналар эбит. Оттон Мэҥэ-Хаҥаласка Япония уонна Соҕуруу Корея фирмаларын кытары массыналары онорор тэрилтэлэри тэрийэр санаалаахтар эбит. Онно улахан массыналар узелларын уонна мотуордарын деталларын, суол тутуллутугар аналлаах техниканы хомуйан, ону кытары өссө электрооборудованиены онорон таһаары киирэллэр эбит. Маһыаха үөһээ ахтыллыбыт үлэлэргэ кыттыһыах иннинэ үчүгэйдик толкуйдан баран, төһө барыстааһын-ночооттодун учуоттаан туран, өскөтүн Нам улууһугар табыгастаах эбит буоллаҕына, үлэлэһиэххэ буоллаҕа дии. Арай, онтон улуус бюджетыгар кыраалаан да буоллар харчы кирээрий.....

Кирилл ЧЕРЕПАНОВ



ИҔИРЭХ ТЫЛААР

**КҮНДҮ ОҒОЛОРБУТ,
ЫТЫКТАБЫЛЛААХ
ТӨРӨПҮТТЭР,
УЧУУТАЛЛАР!**

**Эһигини барыгытын
улуус дьаһалтатын,
чөрөх управлениетын**

аатыттан итиитик-истиһник 1999-2000

чөрөх сыла сағаламмытынан эбэрдэлиибит!
1999-2000 чөрөх сыла - ОҒо уонна оҒо спордун сыллара. Бу бэлиэ чөрөх сылыгар бағарабыт чөрөххэ, үлэбэ үрдүк ситиһилэри, бастык до-
руобуйаны, дьолу-соргуну!

Улуус дьаһалтата, чөрөх управлениета

Молодая семья студентов снимет квартиру или комнату в районах магазина «Юбилейный», Райпо или строй-
частке. Тел.21-9-93 в любое время.

Намский РЭС извещает предпринятия, организации и население Намского улуса о том, что с 1 августа 1999 г. согласно Постановления Правительства Республики Саха (Якутия) от 20 августа 1999 г. №422 вводятся новые тарифы на электрическую энергию.

	Тарифы на э/э (в копейках)	
	с НДС	без НДС
1. Население в сельских населенных пунктах	23	19,2
2. Производственные нужды сельхозпотребителей	46	38
3. Предприятия респотребсоюза «Холбос», расположенных в сельской местности	46	38
4. Прочие потребители	70	58

Администрация Намского РЭС

Продается в с. Намцах 2-х комнатная приватизированная квартира общ.пл.53 кв.м. в каменном доме 3 этаже, теплая, южная сторона, кухня 4 кв.м. Есть гараже, телефон, балкон, телефон 22-7-73.

Продаем или менеем за частный дом с газом автомобиль УАЗ-396206 (санитарка) 1997 г. январь, цвет белая ночь. Звонить по тел. 22-7-03 после 19 ч. Цена по договоренности.

Оболоох ыалга социальной комо отдела пенсионной службына дьыаттан улуус администрациятын дьыатигэр 103 нүөмэрдээх хоско көһөн кэлбитин биллэрэр.

Продается новый частный дом 6х7 с усадьбой и газовым отоплением или трехкомнатная благоустроенная квартира в каменном доме недорого.

Обращаться по телефону 22-7-89

Теле-, аудио-, видео аппаратураны өрөмүөнүүбүн.
Тел: 22-2-44

СГУ-га бииргэ үөрэммит дьүөгэбитигэр Егорова Е.А. таптыыр өбөтө
ДЕНИС
өлбүтүгэр дириг кутурбаммытын тизэрдэбит.
Марианна, Настя

Күндү эбэбит, хос эбэбит үлэ, тыыл ветерана
АМБРОСЬЕВА
Татьяна Матвеевна
101 сааһыгар күн сириттэн барытын аймахтарбытыгар, билэр дьоммутугар курутуулан биллэрэбит.
Кийинтэ, сиэннэрэ, хос сиэннэрэ, күтүөтэ

Күндү кэргэним, аҕабыт, эһэбит
УВАРОВСКОЙ
Владимир Петрович
б.д.в. атырдах ыйын 28 күнүгэр үлүн ыарахан ыары-
ыттан өлбүтүн диригник куру-
рутуулан туран бары аймах-
тарбытыгар, табаарыстары-
гар инитиннэрибиз.
Кэргэнэ, өбөлоро,
сиэннэрэ, кийинтэрэ

Ытыктыыр кутуөппүт
УВАРОВСКОЙ
Владимир Петрович
ыараханньык ыалдыан
өлбүтүгэр балтыбытыгар Дари-
на Спиридоновнаба,
өбөлоругар, сиэннэригэр,
кийинтэригэр дириг кутур-
баммытын тизэрдэбит.
Аймахтара,
эдийидэрэ
Ильиннар,
Ноговицыннар

Намнаабы кийинэммит
библиотечнай ситим үлэһит-
тэрэ, ветераннара библиотеч-
най үлэ ветерана Сивцева
Екатерина Васильевнаба тап-
таллаах сиэнэ
ДЕНИС
хомолтолоохтук өлбүтүгэр
дириг кутурбаммытын бил-
лэрэллэр.

АО «Сельхозтехника» выра-
жает глубокое соболезнова-
ние родным и близким по по-
воду кончины после тяжелой
болезни.
УВАРОВСКОГО
Владимира Петровича

Убаастыыр эдийибитигэр
Сивцева Екатерина Васильев-
наба, киһи кыһыгар Евдокия
Афанасьевнаба тапталлаах
сиэнэ, уоллара
ДЕНИСКА
күн сириттэн соһумардык
барытынан дириг кутурб-
аммытын биллэрэбит.
Аппааньттан
аймахтаргыт, Замятина,
Павловтар, Шумиловтар,
Зверстовтар

Арбын орто оскуолатын
коллектива иитэр үлэбэ ди-
ректоры солбуйааччы Жирко-
ва Мария Васильевнаба, оску-
ола лаборана Жирков Василий
Васильевичка таптыыр ийэлэ-
рэ
ПРОТОПОПОВА
Харитина Николаевна
ыарахан ыарыттан
өлбүтүнэн дириг кутурба-
нын тизэрдэр.

РЕДАКТОРЫ СОЛБ. Г.К. ЭВЕРСТОВ

ОТДЕЛЛАР: информация, сурук, төрүт
культура — 21496; иллюстрация уонна
реклама (секретариат) — 21640;
бухгалтерия — 21332;
факс — 21332; «НАМ» ТРК — 21632;
редакционной издательской система — 21141

Сурукка ааккытын-суолгутун, үлэҕи-
тин, дьыэбит аадырыһын чопчу ыйыҥ.
Автор этэрэ мэлдьи хаһыат
санаатыһынын биер буолбат.

«ЭНСИЭЛИ» - Нам улууһун хаһыата.
678040, Саха Республиката, Нам с, Октябрьской ул. 1.
E-mail: editor62@sakharu

Тэрийэн таһаарааччылар: Саха Республикатын
Правительства, Нам улууһун дьаһалтата, ре-
дакция коллектива.
СР бөчөт уонна маассабай информация көҥүлүн
көмүскүүр региональной инспекциятыгар регист-
рацияламмыт нүөмэрэ — Я 0085.

Талылына уонна таһылына «Энсисэли»
хаһыат редакционнай-издательской
систематыгар.
Хаһыат Дьокуускайга «Сахаполиграфиздат»
НИПК бэчээттэнэ, Орджоникидзе ул. 38.
Формата А3. Кээмэйэ 1,0 бэчээт. лис.
Индекс — 54889. Тираһа — 2094
Бэчээкэ илии баттанна — 12:00 ч. 01.09.99 с.
Сакааһын №-рэ — 108